



EDDY CROES

PARK RANGER PA SEMPER

Ni maske cuanto bo bira y kite Eddy e personahe aki cu ta wordo reconoci unda cu bo bira como Park Ranger ya no ta fungi e posicion aki mas pa motibonan politico.

Eddy Croes a bin for di Hulanda y a dedica su bida na park Ranger desde cu e la pisa e suelo di Aruba y un di su estudionan tabata esun di Park Ranger cu ta survival den naturaleza tempo cu e tabata den militar defensivo di Hulanda cual por cierto su posicion tabata esun di mas halto cu e la gana esaki pa tur su añanan di estudio, training cu a pone den un posicion halto asina. Despues di a studia tanto aña asina na Hulanda y a logra traha na un compania prestigioso na Hulanda, Eddy hunto cu su famia a dicidi cu

nan lo bolbe Aruba.

Ora cu Eddy a bolbe Aruba e la mira cu hopi hende ta bin Aruba pa traha akinan despues cu nan a logra nan titulo pero kende realmente ta duna Aruba algo bek.

Placa den bida no ta tur cos y esaki Eddy a siña den tur su añanan di bida pasobra si tabata pa esaki kizas e no lo a bolbe tampoco mirando e ofertanan cu e la haya den pasado. Eddy un hende hopi serio, disciplina den su trabao nunca a pensa cu su caracteristicanan lo ta un punto contra di su fabor cu awe e no

ta park ranger mas.

Ora cu Eddy a pisa suelo di Aruba Eddy a sinti cu tabata ora pa bin cu un proyecto cu ta trata Aruba directamente den forma di aprecio pa nos isla stima.

Eddy tabata e prome yama pa duna di conoce kico tur por a haci cu Parke Nacional Arikok pa e gobierno di AVP.

Eddy no a duda den duna su exper-ticio y conocimiento den e materia aki pasobra e la studia traha cu naturaleza di cerca y con pa cuida y proteha costanan.

Asina mes cu awe Eddy ta duna su banda di Medaya no ta cambia e hecho cu e la wordo gestempel politicamente pa djis hinca un proyecto bunita den otro manera awe nos tur por ta orguyoso di dje cual ta Parke Nacional Arikok.

Eddy cu su deseonan y su bon bol-untad di kier duna Aruba su isla natal algo bek no a resulte di ta e mihor opcion.

Awe sin mas Eddy a wordo poni un banda cu casonan den corte pa mus-tra cu e no ta un dictador y cu lo unico cu e tabata kier den su trabao tabata pa tur park ranger ta atento, disciplina, sabi y cu training special pa den casonan di emergencia.

Kizas e exigencianan aki no ta tur hende por bibe cune mas ainda ora ta tochi cu e palabra balente, kizas tin hende cu no ta gusta traha segun norma y regla pero tin cu bisa un cos cu Eddy a haci un bon trabao.

No tabata nada facil pa Eddy a cuminsa opera sin ningun material pasobra e budged di parke no taba-ta duna pa por a haya material cu awe'n dia tin.

Den comienzo di e parke su desaroyo Eddy tabata conta cu algun trahador so y asina mes e control tabata severo y tabata per-cura pa e flora y fauna di e parke. Casi no tabata tin casonan di drop-ping di droga, ni suicidio, of cosnan contra di ley di e parke cu hende tabata purba di haci.

Eddy tabata tin den su meta crea un

parke cu lo por goza di prestigio den exterior cu tabata bunita y bon cuida.

Nunca e no tabata kier a impone su forma di ta riba ningun hende pero manera nos tur sa cu ora un hende cuminsa traha bon di mes e ta haya esnan envidioso cu kier kibre.

Esaki te hasta ta para den bijbel cu ora cu Jesus tabata yuda pobonan, cura hende y tabata traha na bienestar di esnan menos afortunada, e tabata cada bez obstaculonan den su caminda di hendenan envidioso y cu mal intencion.

Eddy cu ta un homber trankilo dedica na su deportenan y na parke awe ta na cas cu su famia sperando di tende bon noticia di kico lo bay pasa cune y su regreso pa parke.

Den revista turistico di e aña aki ainda por a mira con bon prensa di afor ta gaba Eddy pa su conocimiento pa su guia y con bon organizacion parke ta funciona.

Tanto den su deportenan como tambe den su trabao Eddy tabata



destaca pasobra e ta haci esaki cu su curazon.

Tristo pa wak awe e tema di park ranger sin Eddy cu ta e persona cu a traha full e set-up di parke y con pa pone esaki ariba mapanan mundial di parkenan di naturaleza

lugar.

Ta sublime pa mira Eddy atrobe den Parke Nacional Arikok pasobra realmente e ta un Ranger den su alma y ta su baby esaki ta y te dia cu su wowonan sera e lo keda un ranger.

mas proteha y cuida.

Eddy sa cu hopi di su coleganan sa cu e unico cos cu Eddy semper tabata kier pa nan mes bay dilanti pasobra si nan bay dilanti esaki ta nifica cu parke ta bay dilanti y si e dia di mañan nan mester bay traha otro caminda nan sa bon cu nan por traha y produci manera debe ser.

Ta spera cu e aña nobo cu ta bin aki cosnan nobo por pasa na Aruba despues di tanto noticianan negativo y decisionnan negativo, cosnan bon por cuminsa tuma

